



HEINRICH TIMMEREVERS  
BISKOP DRJEŽDŽANSKO-MIŠNJANSKI

5. měrca 2017 – přěnja póstna njedžela

## Próstwy

### **k póstnemu pastyrskemu listej**

Modlenje je bytostny wobstatk prócowanja wo jednotu. Tohodla su namjetowane próstwy dlěše hač zwučene. Wone maja naš wědomy modlerski přinošk w tutym wopomnjenskim lěće być.

We wopomnjenskim lěće reformacije zhladujemy zhromadnje na Chrystusa, zwjazani z jeho modlitwu k Wótcej, přetož „Wšitcy maja być jedne, (...) zo by swět wěrił, zo sy ty mje póslał“ (Jan 17,21).

Z Jězusom Chrystusom modlimy so k Bohu, našemu Wótcej:

1. Budyska tachantska cyrkej swjateho Pětra je wot 1524 cyrkej wobeju konfesijow, dvě cyrkwi pod jednej třěchu, žiwe znamjo nadźije a zdobom nadawk. Prosymy će: Zwjedź našej cyrkwi we wujednanej wšelakorosci hromadze a posylń nas w prócowanju wo prawdu a lubosć.

Božo, naš Wótče: Prosymy će, wusłyš nas!

2. Hižo wjele lět prócuja so biskopja, cyrkwinske wjednistwa a teologoj w ekumeniskich rozmołwach wo mjezsobne mosty, wo zblizenje a přewinjenje toho, štož nas dźěli. Prosymy će: Posylń jich w prócowanju, zo so zrozumja, to, štož dźěli, wuslědza a puće k jednoće namakaja.

Božo, naš Wótče:

3. W našich wosadach eksistuja mnohe ekumeniske kružki a zhromadne aktiwity na dobro ludži, kotřiž pomoc trjebaja. Prosymy će: Posylnej křesćanow w jednotliwych cyrkwjach w bratrowskej wzajomnosći a pozbudźuj jich k zhromadnemu swědčenju wosrjedź swěta.

Božo, naš Wótče:

4. W našich cyrkwjach su mnozy wěriwi žiwi w konfesije zwjazowacych mandželstwach a swójbach, druzy zaso storča ze svojim křesćanstwom pola swojeho partnera na njezrozumjenje. Prosymy će: Žohnuj jich wšědnu zhromadnosć, posylnej jich w mjezsobnym zasadženju a pomhaj jim to, štož džěli, přewinyć.

Božo, naš Wótče:

5. W mnohich krajach swěta bywaju křesćenjo swojeje wěry dla wumjezowani, přesćěhani a wuhnaći. Prosymy će: Daj jim twoju bliskosć nazhonić, škitaj jich před namocu, před surowym a bjezzmyslnym zahinjenjom; pomhaj nam, zo bychmy jim po boku stali.

Božo, naš Wótče:

6. Swět je wulkim a njeřewidnym změnam wustajeny. Mnozy zhladuja starosćiwje do přichoda. Prosymy će: Spožč wšitkim w politice a towaršnosći zamołwitym a tym, kotřiž zjawne žiwjenje postajeja a rjaduja, mudrosć, wobhladniwosć a sprawnosć.

Božo, naš Wótče:

7. Přeco zaso rozžohnujemy so z ludźimi, kotrymž mamy so wjele džakować. Myslimy na swójbnych a přiwnuznych, na džělowych kolegow, na naše sotry a našich bratrow, z kotrymiž smy přez křćeńcu zwjazani. Spominamy tež na tych, kotřiž su bjez nadźije zemřeli. Prosymy će: Spožč jim wěčne žiwjenje w zhromadnosći z tobu.

Božo, naš Wótče:

Wšehomócný Božo, ty zjednoćeš, štož je džělene, a wobchowaš w jednoće, štož sy zwjazał. Zhladuj poňny smilnosće na wšitkich, kotřiž su přez křćeńcu swjatosćeni a Chrystusej přisłušeja. Njech su přez tebe jedne w zwjazku njepoškodženeje wěry a w bratrowskej a sotrowskej lubosći. Wo to prosymy přez Chrystusa našeho Knjeza.